



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXV. Die Decembris.

urn:nbn:de:hbz:466:1-9625

XXV. DIE DECEMBRIS.

P. DANIEL

PAEIBRVCK.

25 Decéb.
Belga Pa-
noimi 1558.
Societ. 14.

AD opus animarum, & ad regen-
dum fuit apprimè solers, atque
idoneus, vt habet latius Socie-
tatis historia. Ante mortem diebus
aliquot significauit P. Paulo Achilli
Rectori, & P. Domenecio Prouinciali,
se ad cælum à tribus adolescentibus
inuitatum. Apparuisse sibi iuuenem
cum duobus Comitibus, qui dixerit;
migraturum è vita die natali Christi
post prandium. Vaticinationi respon-
dit euentus. Non caruit tamen aliquo
conscientiæ morfu moriens P. Daniel,
ne fortè quid studij contulisset in pe-
grinas linguas quod animis potuif-
set impendi. Elogia è Sicilia missa,
aiunt illum à cælitibus, & ante mor-
tem de morte tali die obeunda moni-
tum, & ipso mortis die ab iisdem cul-
tu splendido gloriosis, in ipso agone
visitatum; ac ad cælestem felicitatem
deductum. Ad hæc post mortem et-
iam cuiquam, cui confitenti aures da-
bat cum viueret, promissi memorem
apparuisse.

Angelus.

Mors.

P. EMMANVEL

FERNANDEZ.

Lufitanus.
Fremonæ.
25. Decemb.
1593, Soc. 40

PAndræa Quiedo superstes socius
multa cum illo, multa post illum
tolerauit, & fecit apud Indos, ac Æ-
thiopes; non sine præsentissimo capi-
tis periculo. Nestoriano Monacho
contra Catholicos Imperatorem con-
cirare contendente, prædixit Catho-

licos ab eo quod illis ille machinare-
tur intactos fore; illum autem breui
de vita exiturum. Ita euenit. Octavo
ante mortem die iam æger affirmauit
sperare se vitam inchoaturum in cælo
ipsâ die Christi nascentis in terris. *B. P.*
Moriæti adfuisse aiunt præsentem, &
solatam Virginem Mærem; id quod
ille ipsâ suæ mortis horâ Francisco
Lopez Coadiutori disertè dixit. Ad B.
Virginem; *Ab*, aiebat, *Dominâ meâ!*
Ab Dominâ meâ! Roganti Francisco
Lopez, ecquid esset; *Vidi*, inquit, *Vir-*
ginem Desparam pulchritudine diuinâ mi-
rabilem. Sine, me abeuntem sequi. Et
secutus est.

MICHAEL

NACASCIMA.

PER annos quindecim, Patribus
seruiens multum operæ contulit
ad Christianam rem bene gerendam,
& ipse quoque Christianos erudiuit,
adiuuit. Ea propter captus, fustibus
non semel vapulauit; & aliquando ex
alto in aquas deiectus est. Supinus,
aquâ in os infusâ, & vi rursus cum
sanguine de corpore arctè compresso
expressâ cruciatus, Soli torrendus ex-
positus, ibi leni aurâ è cælo aspirante
recreatus est. In Vrgenio, ad Nanga-
sachum monte præalto, & incus igneo
instar Vesuuij, atque bullientes
aquas quæ in stagnum confluunt, ef-
fundente, aquis illis perfusus est. Sunt
autem aquæ illæ noxiæ, bestiis etiam
aibusque illac fortè volantibus. Si
verò illis tingantur humana corpora,
viceribus doloribusque miserè cruci-
antur.

Iapon. in
Vrgenio
Monte. 25.
Dec. 1628.

Fides.

Mors ignem.

antur. Hos cruciatus expertus est per sepe Michaël, etiam per bullientia illa stagna traductus: atque inter hæc tormenta, cum Christum ac fidem semper profiteretur, extinctus est. Labet hac occasione hic offerre legendum.

EDICTVM IAPONICVM.

Toxogunus Imperator, comperto Lusitanos Macaenses violare legem toto Iaponico imperio promulgatam, aduersus legem Dei, *missis Macao clam Prædicatoribus Euangelicis, qui inducendo Iapones ad mutandam Religionem, suscep-*

tâ Christianorum lege grauissima admittunt scelera morte digna. Ad hoc, eisdem Lusitanos Macaenses annonam, & alia necessaria submittere, ac succurrere prædictis Prædicatoribus, & Christianis, qui occultè viuunt in Iaponia id quod eadem lege vetitum est. Idcirco publico edicto Lusitanis omnibus interdicit absolute navigationem & commercium Iaponiæ sub pœna mortis, & comburendæ nauis ac mercium. Die 4. Augusti 1639.

Hinc liquidò patet, exilium, & mortes Christianis apud Iapones odio fidei irrogari.

XXVI. DIE DECEMBRIS.

IACOBVS
VASSEROT COAD.

26. Decéb.
Gallus Car-
pentora Ci.
1628. xtat.
41. Soc. 22.

Christum.

Confessio.

Ingenij ad omnem industriam, & labores nati vir; cum luem publicam ardere videret, vt suppetias ferre posset laborantibus, impetrauit. Pridie quàm egrederetur ad opitulandum infectis, Dominum IESVM habuit secundum quietem præsentem, inquit in anni 1628. heroibus Alegambe, sed aduersum, ac sibi terga vertentem: quem ille cum flexis genibus sequeretur, obsecrareque sua sibi vt peccata remitteret, visus est sibi eum videre rursus conuersum ad se, audireque dicentem: *Dimittuntur tibi peccata tua*; quo facto euigilauit astutum, tantâ animi suauitate delibutus, vt dictu incredibile sit. Mox antea vitæ noxis generali confessione expiatis, cum sacro vesceretur epulo, tantum profudit lachrymarum, vt eas quoque Sacerdoti exprimeret operanti. Porro curâ omnium agrorum

in Limodochio suscepta, ita corpora singulorum curabat & animos, vt Pater esse videretur vniuersorum. Dein Chirurgis morte sublati, eorum ipse munus subire, venam istis pestilentia sine metu laxare. His in operibus ipse bis eo malo appetitus est; quo demum etiam superatus, Sacramentis ex more perceptis, inter iteranda contritionis, & Charitatis officia vitam terminauit.

Charita.

MARCVS
GRANDL. COAD.

AD officia Charitatis prompto semper obsequio sedulus fuit. De illo sic in preciosis occupationibus morientium: Vitæ feliciter finiendæ quotidie intentus, ipse sibi Sandapillam construxit; vt illam præ oculis, mortem verò præ corde haberet. Profuit viro ea prouidentia, ne mors aliud agentem opprimeret. Nam dum vniuersæ vitæ labes confessione diligenti

Germani
Ratisbonæ
16. Decéb.
1649. xtat.
63. Soc. 35.

Mors.

Confessio.